



অবিলম্বে প্রকাশের উদ্দেশ্যে: 3/24/2023

গভর্নর ক্যাথি হোকল

গভর্নর হোকল বসন্তের ইন্টার্নশিপে অংশগ্রহণকারী 600 CUNY শিক্ষার্থীদের বেতন দেওয়ার জন্য 4 মিলিয়ন মার্কিন ডলার ঘোষণা করলেন

*"স্প্রিং ফরোয়ার্ড" কর্মসূচিটি আজকের কর্মক্ষেত্রের চাহিদা পূরণ করতে এবং ভবিষ্যতের প্রতিভা শিক্ষার্থীদেরকে স্থানীয় চাকরিদাতাদের কাছে নিয়োগ দেয়*

গভর্নর ক্যাথি হোকল আজকে ঘোষণা করলেন যে 4 মিলিয়ন মার্কিন ডলারের স্টেট অর্থায়িত একটি ইন্টার্নশিপ কর্মসূচি চাকরিদাতাদেরকে বিনামূল্যে নিউ ইয়র্ক সিটি ইউনিভার্সিটির (City University of New York, CUNY) যোগ্য শিক্ষার্থীদের নিয়োগদানের সুযোগ প্রদান করবে, যার ফলে এই বসন্তের সেমিস্টারে 600 CUNY শিক্ষার্থী ক্ষুদ্র ব্যবসা, প্রযুক্তির স্টার্টআপ, অলাভজনক সংস্থা, কর্পোরেশন এবং সরকারি এজেন্সিতে কাজ করতে পারবে। [স্প্রিং ফরোয়ার্ড \(Spring Forward\)](#) নামক কর্মসূচিতে অংশগ্রহণকারী শিক্ষার্থীরা কলেজের পর চাকরি নিশ্চিত করতে প্রয়োজনীয় অভিজ্ঞতা অর্জনের পাশাপাশি ঘণ্টায় 20 মার্কিন ডলার উপার্জন করে।

"মানসম্পন্ন ও সাশ্রয়ী উচ্চশিক্ষা পাওয়ার সুযোগ ও চাকরির সুযোগ পেলে CUNY শিক্ষার্থীরা সাফল্যের সিঁড়িতে উঠতে পারবে এবং ভবিষ্যৎ প্রজন্মসমূহের জন্য আরো ভালো নিউ ইয়র্ক গঠনে সাহায্য করতে পারবে," **গভর্নর হোকল বলেন।** "স্প্রিং ফরোয়ার্ড কর্মসূচিটি শুধু শিক্ষার্থীদেরকে মূল্যবান ক্যারিয়ার অভিজ্ঞতা অর্জনে সাহায্য করছে না, বরং স্থানীয় চাকরিদাতাদেরকে সেরামানের প্রতিভার সাথে যুক্ত করে দিচ্ছে, যা শিক্ষার্থীরা যাতে নিজেদের ডিগ্রি অর্জন করে লাভজনক ক্যারিয়ারে প্রবেশ করতে পারে তা নিশ্চিত করতে পারে সে ব্যাপারে সমর্থন করতে আমাদের প্রতিশ্রুতিকে আরেকবার প্রমাণ করে।"

[CUNY](#) এমন ব্যবসা, এজেন্সি ও সংগঠনের সাথে অংশীদারিত্ব করেছে যাদের বিজ্ঞান, প্রযুক্তি, প্রকৌশল ও গণিত (Science, technology, engineering, and mathematics, STEM), পরিবেশ সংরক্ষণ, সম্প্রদায়ের পরিষেবা, স্বাস্থ্যসেবা এবং মার্কেটিং খাতের প্রকল্পসমূহের সমর্থনে প্রতিভার প্রয়োজন রয়েছে। স্প্রিং ফরোয়ার্ড ইন্টার্নশিপ ফেব্রুয়ারিতে শুরু হয়ে 10 সপ্তাহ ধরে চলে, যার মধ্যে প্রশিক্ষণ অন্তর্ভুক্ত থাকে। স্টেটের তহবিল অর্থবছর 23 শিক্ষাবর্ষে অন্তর্ভুক্ত করা হয়েছে।

**নিউ ইয়র্ক সিটি ইউনিভার্সিটির চ্যান্সেলর ফেলিক্স ভি. ম্যাটোস রড্রিগেজ বলেন,** "CUNY এর 80 শতাংশ শিক্ষার্থী নিউ ইয়র্কে বাস করে, এখানকার ব্যবসা ও অলাভজনক চাকরিদাতাদেরকে উদ্ভাবন, নতুন বাজার ধরতে এবং সমৃদ্ধি করতে সাহায্য করে। আরো বেশি

ব্যবসা ও সংগঠন যাতে CUNY শিক্ষার্থীদের সক্ষমতা নিজের চোখে দেখতে পারে সেজন্য অতি গুরুত্বপূর্ণ এইসব শিল্পখাতের অংশীদারিত্ব বিস্তৃত করার প্রতি গভর্নর হোকলের প্রতিশ্রুতির জন্য আমরা তাকে ধন্যবাদ জানাচ্ছি।"

**স্টেটের সিনেটর টবি অ্যান স্টাভিস্কি বলেন,** "CUNY এর গ্র্যাজুয়েটগণ নিউ ইয়র্ক সিটির কর্মবাহিনীর ভবিষ্যতের প্রতিনিধি। CUNY এর গ্র্যাজুয়েটগণ সাধারণত নিউ ইয়র্কে থেকে যায় এবং নিজেদের সম্প্রদায়ে সক্রিয় হয়ে উঠে। বেতনসহ এইসব ইন্টার্নশিপ সুযোগ শিক্ষার্থীদেরকে নিজেদের ডিগ্রি অর্জনের সময় মূল্যবান অভিজ্ঞতা অর্জন করতে দিবে এবং একইসাথে চাকরিদাতা ও নিজেদের পিয়ারদের সাথে সম্পর্ক স্থাপন করতে দিবে। কর্মসূচিটি শিক্ষার্থী এবং চাকরিদাতা উভয়ের জন্য লাভজনক হবে যারা নিজের চোখে দেখতে পারবে আমাদের CUNY ব্যবস্থাজুড়ে কেমন প্রতিভা তৈরি হচ্ছে।"

**অ্যাসেম্বলি সদস্য প্যাট্রিশিয়া ফাহি বলেন,** "আমরা জানি যে গড়ে 60 শতাংশ চাকরিদাতা ইন্টার্নশিপের অভিজ্ঞতাসহ গ্র্যাজুয়েট ও কর্মীদের চাকরি দিতে পছন্দ করে। ইন্টার্নশিপের অভিজ্ঞতা বাস্তব জীবনের ক্যারিয়ার অভিজ্ঞতা এবং প্রস্তুতিতে রূপান্তরিত হয় যা কলেজের পরে আরো ভালো বেতন, সুবিধা ও অর্থনৈতিক ক্ষমতায়নে সাহায্য করে, এবং আজকের ঘোষণাটি CUNY এর ফলে স্প্রিং ফরওয়ার্ড কর্মসূচিতে যায় বেশি শিক্ষার্থীদের নিয়োগ দেওয়া হবে। এছাড়াও, বেতনসহ ইন্টার্নশিপগুলির চাকরিতে রূপান্তরিত হওয়ার সম্ভাবনা বেশি এবং চাকরিদাতাদেরকে নতুন প্রজন্মের দক্ষ কর্মীদের সাথে যুক্ত করে দেওয়া শুধু আমাদের শিক্ষার্থী ও বিশ্ববিদ্যালয়সমূহের জন্য বিজয় নয়, বরং বিস্তৃত অর্থনীতির জন্যও লাভজনক। নিউ ইয়র্কের শিক্ষার্থী এবং ভবিষ্যৎ কর্মবাহিনীর সাফল্যের জন্য গভর্নর হোকলের বিনিয়োগের জন্য আমি তার প্রশংসা করছি।"

এদের মধ্যে একজন শিক্ষার্থী হলো **সুন্মিতা ইসলাম**, হান্টার কলেজের (Hunter College) একজন সফমোর এই শিক্ষার্থী মাউন্ট সিনাই স্বাস্থ্য ব্যবস্থাতে (Mount Sinai Health System) ইন্টার্ন হিসেবে কাজ করছে। স্নায়ুবিজ্ঞান কেন্দ্রিক মনোবিজ্ঞান নিয়ে পড়তে থাকা ইসলাম বর্তমানে সপ্তাহে 15 ঘণ্টা করে রেডিওলজিতে কাজ করছে এবং সে একটি বেতনসহ সুযোগ পেয়ে খুশি যা তাকে বাস্তব জীবনের অভিজ্ঞতা এবং তার কোর্সের কাজের সাথে সমন্বয় উভয় প্রদান করে।

**সুন্মিতা ইসলাম বলেন,** "বেতনসহ অভিজ্ঞতা পাওয়া দারুণ একটি ব্যাপার যেখানে আমি আমার আশেপাশের মানুষের থেকে অনেক কিছু শিখতে পারছি এবং আমি অনেক ধরনের কাজ করতে পারছি। আমি একজন ডাক্তারই হতে চেয়েছি কিন্তু সেটি কোন বিশেষ ক্ষেত্রে সেই সিদ্ধান্ত এখনো নেইনি। আমি কখনোই রেডিওলজি নিয়ে ভাবিনি, কিন্তু এখানে নিজে কাজ করার অভিজ্ঞতা আমাকে নতুন একটি বিকল্প প্রদান করেছে এবং এটি আমার চিন্তাভাবনা পরিবর্তন করে দিতে পারে।"

অবিলম্বে পূর্ণকালীন প্রতিভা নিয়োগ দিতে চায় এমন 100 এর কম কর্মচারীসহ ব্যবসাসমূহও CUNY এর ইন্টার্নশিপ থেকে চাকরি (Internship to Employment, I2E) কর্মসূচির জন্য আবেদন করতে পারবে, যা সাম্প্রতিক CUNY অ্যালামনাই এবং শীঘ্রই গ্র্যাজুয়েট করতে যাওয়া

শিক্ষার্থীদেরকে ইন্টার্ন গ্রহণ করতে প্রস্তুত নিমন্ত্রণকারী কোম্পানিসমূহে 6 সপ্তাহের ইন্টার্নশিপ এবং তার পরবর্তীতে 8 সপ্তাহের ভর্তুকিসহ চাকরি প্রদান করে। আগ্রহী চাকরিদাতাগণ আরো জানার জন্য [I2E ওয়েবসাইটে](#) সাইন আপ করতে পারে।

[নিউ ইয়র্ক সিটি ইউনিভার্সিটি](#) দেশের বৃহত্তম শহরে সরকারি বিশ্ববিদ্যালয়, এটি সামাজিক গতিশীলতার একটি রূপান্তরকারী চালক যা নিউ ইয়র্ক সিটির প্রাণশক্তির একটি গুরুত্বপূর্ণ উপাদান। 1847 সালে দেশের প্রথম বিনামূল্যের সরকারি উচ্চ শিক্ষার প্রতিষ্ঠান হিসেবে স্থাপিত হওয়া CUNY তে বর্তমানে নিউ ইয়র্ক সিটির পাঁচটি বরোতে সাতটি কমিউনিটি কলেজ, 11টি সিনিয়র কলেজ এবং সাতটি গ্র্যাজুয়েট বা পেশাদারি সংগঠন রয়েছে, যেখানে 260,000-র বেশি আন্ডার-গ্র্যাজুয়েট ও গ্র্যাজুয়েট শিক্ষার্থী রয়েছে এবং এখন থেকে প্রতি বছর 55,000 ডিগ্রি প্রদান করা হয়। CUNY এর মান এবং সাশ্রয়ীতার মিশ্রণটি আইভি লীগের (Ivy League) সমস্ত কলেজের সম্মিলিত অংকের চেয়েও প্রায় ছয়গুণ বেশি মধ্যবিত্ত এবং তারও বেশি নিম্ন-আয়ের শিক্ষার্থীকে সম্মুখে এগিয়ে নেয়। বিশ্ববিদ্যালয়ের 80 শতাংশেরও বেশি গ্র্যাজুয়েট যারা নিউ ইয়র্কে অবস্থান করেন, তারা শহরের অর্থনৈতিক, নাগরিক এবং সাংস্কৃতিক জীবনের সমস্ত দিকগুলিতে অবদান রাখেন এবং প্রতিটি ক্ষেত্রে নগরীর কর্মশক্তিকে বৈচিত্র্যময় করে তোলেন। CUNY এর গ্র্যাজুয়েট এবং অনুষদরা অনেক সম্মানজনক পদক পেয়েছেন, 13টি নোবেল পুরস্কার এবং 26টি ম্যাকআর্থার "জিনিয়াস" গ্র্যান্ট (MacArthur "Genius" Grant) সহ। ইউনিভার্সিটির ঐতিহাসিক যাত্রা আজও অব্যাহত রয়েছে: ধরন বা পটভূমি নির্বিশেষে সকল শিক্ষার্থীদের জন্য যা প্রথম স্তরের গণ শিক্ষা প্রদান করেছে। CUNY সম্পর্কে আরো জানতে, ভিজিট করুন <https://www.cuny.edu>।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)